

POSEBNI USLOVI ZA OSIGURANJE OD PROFESIONALNE ODGOVORNOSTI REVIZORA I REVIZIJSKIH DRUŠTAVA

OZNAKA AKTA	IA-USL-2-010-1.0.		
TIP AKTA	TARIFA		
OZNAKA POVJERLJIVOSTI	interno	VERZIJA	1.0.
PROTOKOL	01-45-22/19	DATUM	23.01.2019.
	ORGAN/FUNKCIJA	IME I PREZIME	POTPIS
AKT PRIPREMIO	Ovlašteni aktuar	Bojan Latinović	
AKT DONOSI	Upravni odbor	Saša Vučenović	
<i>Ovaj akt je vlasništvo „Premium Invest osiguranja“ a.d. Banja Luka. Zabranjuje se korištenje, kopiranje i distribucija ovog akta ili njegovog sadržaja izvan Društva. Ukoliko ste došli u neovlašten posjed ovog akta molimo Vas da nas obavijestite na e-mail adresu info@premiumosiguranje.com.</i>			

Na osnovu člana 304. Zakona o privrednim društvima ("Sl. glasniku RS", br. 127/08, 58/09, 100/11, 67/13 i 100/17) i člana 33. Statuta društva za osiguranje „Premium Invest osiguranja“ a.d. Banja Luka, Upravni odbor na X sjednici održanoj dana 23.01.2019. godine, donosi sljedeće:

POSEBNE USLOVE
za osiguranje od profesionalne odgovornosti revizora i
revizijskih društava

Pojedini izrazi u ovim Posebnim uslovima imaju sljedeće značenje:

1. **OSIGURAVAČ** – "Premium Invest osiguranje" a.d. Banja Luka;
2. **UGOVARAČ OSIGURANJA** - Lice koje s osiguravačem zaključi ugovor o osiguranju;
3. **OSIGURANIK** - Lice čija je odgovornost pokrivena osiguranjem;
4. **POLISA** - Isprava o ugovoru o osiguranju;
5. **PREMIJA** - Iznos koji ugovarač osiguranja plaća za osiguranje na osnovu ugovora o osiguranju;
6. **NARUČILAC USLUGE** - preduzeće čije je poslovanje predmet revizije;
7. **ODŠTETA** – Iznos koji osiguravač isplaćuje po ugovoru o osiguranju;
8. **STRUČNA GREŠKA** – Kršenje i/ili odstupanje od postojećih pravila struke, utvrđenih standarda ili ustanovljenih pravila pažnje, važećih za revizorsku profesiju za koje osiguranik odgovara u skladu sa pozitivnim propisima.

Predmet osiguranja

Član 1.

1. Predmet osiguranja u smislu ovih Posebnih uslova je zakonska odgovornost revizora ili revizijskih društava za štete koje prouzrokuju preduzećima pri obavljanju revizija finansijskih izvještaja.
2. Revizija finansijskih izvještaja je ispitivanje finansijskih izvještaja radi davanja mišljenja o tome da li oni objektivno i istinito, po svim materijalno značajnim pitanjima prikazuju stanje imovine, kapitala i obaveza, rezultate poslovanja, tokove gotovine i promjene na vlastitom kapitalu, u skladu sa Međunarodnim računovodstvenim standardima, odnosno Međunarodnim standardima finansijskog izvještavanja.
3. Pod uslugama revizije podrazumijevaju se usluge revizije i pregleda finansijskih izvještaja, usluge povezane sa angažovanjem revizora na obavljanju ugovorenih postupaka sa finansijskim informacijama, angažovanja na osnovu kojih se pruža uvjeravanje, kao i druge usluge srodne reviziji definisane Međunarodnim standardima revizije.

Mjesto osiguranja

Član 2.

Osiguranjem je obuhvaćena odgovornost revizijskih društava za štetu koja nastane preduzeću čije je sjedište na području BiH.

Osigurani slučaj

Član 3.

1. Osiguranim slučajem u smislu ovih Posebnih uslova smatra se jedna ili više radnji ili propusta koji proizilaze iz izvještaja pojedinačno obavljene revizije finansijskih izvještaja jednog preduzeća za određeni obračunski period, obuhvatajući bilans, račun dobiti i gubitka, te izvještaj o promjenama u finansijskom položaju preduzeća, a koji za posljedicu imaju smanjenje ili uništenje klijentovih zakonom zaštićenih imovinskih interesa koje je prije, za vrijeme ili nakon okončanja ugovorene revizije prouzrokovano protivpravnom radnjom privrednog društva za reviziju, bilo da se radi o umanjenju ili uništenju imovine, prava ili poslovne ličnosti klijenta.
2. Ako je stručna greška u nečinjenju, smatra se da je počinjena posljednjeg dana kada je čin morao da bude učinjen, da ne bi došlo do štete.
3. Ukoliko ista stručna greška osiguranika prouzrokuje više odštetnih zahtjeva, smatra se da je nastao jedan osigurani slučaj, bez obzira na broj odštetnih zahtjeva. Kao vrijeme nastanka osiguranog slučaja smatra se predaja prvog odštetnog zahtjeva.
4. Smatra se da je nastao jedan osigurani slučaj i ako je više odštetnih zahtjeva posljedica više stručnih grešaka, koje se pak mogu pripisati istim okolnostima i koje se mogu povezati sa pravnog, privrednog ili vremenskog aspekta. U tim slučajevima se kao vrijeme nastanka stručne greške uzima u obzir vrijeme nastanka prve stručne greške.
5. Za ostvarivanje pisanog odštetnog zahtjeva dovoljno je i pismeno obavještenje naručioca usluge o tome, da mu je zbog stručne greške osiguranika nastala šteta.
6. Osiguranik ne može izvoditi profesionalnu uslugu zajedno sa drugim izvođačima (saizvođenje usluge). Tako ugovoreni poslovi ne mogu biti predmet osiguranja po ovim Posebnim uslovima, osim ako se posebno ne ugovori
7. Događaj prouzrokovan od strane privrednog društva za reviziju ne smatra se štetnim po klijenta ukoliko nastanak štete povezane sa tim događajem nije dokazan pred nadležnim pravosudnim organom.
8. Pravo na podnošenje zahtjeva za naknadu štete ima isključivo naručilac usluge.

Štete isključene iz osiguranja

Član 4.

Osiguravač nije u obavezi za odštetne zahtjeve:

1. koji po ugovoru premašuju obim obaveze regulisan pravnim propisima o odgovornosti;
2. za štetu koja ima kao posljedicu povredu lica ili oštećenje stvari i za neimovinsku štetu;
3. koji nastanu na osnovu nekomercijalnog savjetovanja osiguranika ili kod njega zaposlenog lica;
4. koji nastanu zbog kršenja rokova ispunjenja;
5. ako osiguranik ili kod njega zaposlena lica prouzrokuju stručnu grešku
6. ako je stručna greška nastala u vrijeme, kada osiguranik ili lica, koja za njega obavljaju posao, nisu imala odgovarajuću registraciju odnosno dozvolu za obavljanje djelatnosti;
7. koji nastanu zbog prevare, drugih krivičnih djela, prisile ili prijetnje;
8. koji nastanu zbog oštećenja, uništenja ili nestanka novca, čekova ili hartija od vrijednosti ili zbog blagajničkih manjkova;
9. koji nastanu zbog kazne, koju je dužan da plati naručilac ili osiguranik;
10. koji nemaju povratni značaj (kao na primjer kaznene odštete itd.);

11. koji nastanu zbog gubljenja podataka ili dokumenata (pisanih, štampanih ili elektronski sačuvanih), koji su osiguraniku povjereni na čuvanje;
12. za štetu, koja je nastala osiguraniku i suvlasnicima čija je profesionalna odgovornost osigurana (kao i njihovim rođacima ako su zaposleni kod njih) ako imaju u preduzeću poslovni udio iznad 25% i/ili imaju na osnovu zakona ili akata preduzeća pravo odnosno mogućnost vođenja preduzeća (većinski suvlasnici).
13. koji nastanu zbog neispunjenja obaveza naručioca usluge, koje su određene u ugovoru;
14. koji proizilaze iz prekoračenja procjena visine troškova ili kamatnih stopa;
15. koji nastanu u vezi sa plaćanjem usluge;
16. za štetu zbog izgubljene dobiti, zastoja u radu, zahtjeva zdravstvenih i penzijskih osiguranja i sličnih zahtjeva za (drugu) posrednu štetu, koja nastane uz razumno predvidljive štete u okviru izvršene usluge;
17. koji nastanu zbog narušavanja ugleda ili dobrog imena;
18. koji nastanu kao posljedica nelikvidnosti ili nesolventnosti osiguranika;
19. koji se odnose, proizilaze, temelje ili se pripisuju bilo kakvoj programskoj ili mašinskoj opremi, mikroprocesorima ili ostaloj opremi, koja djelimično ili u potpunosti otkáže, ošteti se ili prouzrokuje štetu (uključujući »inficiranje« programske opreme ili podataka). To se odnosi i na proizvode, programsku i mašinsku opremu, oblikovanje sistema, njihovu prodaju, izmjene, servisiranje, održavanje ili savjetovanje od strane osiguranika ili u njegovo ime;
20. koji nastanu kao posljedica rata, događaja sličnih ratu i neprijateljstava, terorističkih akata, građanskog rata i sličnih nemira, djelovanja ili prisutnosti prirodnih i elementarnih nepogoda, nuklearne radijacije ili nuklearne kontaminacije.
21. osiguranjem po ovim Posebnim uslovima nisu obuhvaćene štete od propusta u obavljanju revizije, koje su bile poznate u vrijeme zaključenja ugovora o osiguranju.
22. propust u obavljanju revizije finansijskog izvještaja smatra se poznatim kad ga osiguranik sam utvrdi ili za njega dozna, a da još nije postavljen niti najavljen odštetni zahtjev preduzeća.
23. zbog ugovorenog proširenja odgovornosti osiguranika i na slučajeve kad po zakonu ne odgovara,
24. zbog neobavljene revizije,
25. u svim slučajevima gdje se ne može utvrditi odgovornost osiguranika u smislu ovih Posebnih uslova, a posebno kad je riječ o obavezama preduzetnika u smislu važećih Zakona o računovodstvu i reviziji u BiH odnosno njenim entitetima.

Suma osiguranja

Član 5.

1. Ugovorena suma osiguranja je maksimalna obaveza osiguravača po jednoj reviziji.
2. Suma osiguranja za svaku pojedinačnu reviziju određuje se u skladu sa važećim zakonskim propisima u BiH, odnosno njenim entitetima u zavisnosti gdje je registrovano privredno društvo za reviziju.
3. Osiguranik učestvuje u svakom osiguranom slučaju sa 10% od priznate štete za ugovorene sume osiguranja do 200.000 KM.
4. Za ugovorene sume osiguranja preko 200.000 KM učeće osiguranika u šteti je minimalno 20% od priznate štete.
5. Učešće osiguranika u šteti se ne može otkupiti, osim ako se to posebno ne ugovori i plati doplatna premija. Otkup učešća u šteti se mora konstatovati na polisi osiguranja.

Početak obaveze osiguravača i limit pokriva

Član 6.

1. Revizija finansijskih izvještaja se obavlja redovno za jednu poslovnu godinu koja počinje 01.01. i završava 31.12.
2. Obaveza osiguravača počinje u 00 sati prvog dana naredne godine u odnosu na godinu za koju se radi revizorski izvještaj i prestaje u 24. časa 31.12. naredne godine u odnosu na godinu za koju se vrši revizijski izvještaj.
3. Nezavisno od odredaba iz tačke 2.ovog člana, ukoliko se ugovora odnosno zaključuje pojedinačna polisa za svako pravno lice, odnosno za svaki izdati revizorski izvještaj, datum početka osiguranja određen je datumom izdavanja revizorskog mišljenja tj. Obaveza osiguravača počinje u 00 časova dana izdavanja revizorskog izvještaja i traje jednu godinu. U tom slučaju na polisi se obavezno upisuje broj i datum zaključenog ugovora o uslugama revizije.
4. U toku godine za koju se rade revizorski izvještaji ugovarač osiguranja i osiguravač mogu zaključiti poseban ugovor o osiguranju ili list pokrivača.
5. Ukoliko se obavljaju vanredne revizije, koje nisu redovne revizije godišnjih finansijskih izvještaja, obaveza osiguravača počinje od dana zaključenja ugovora o takvoj reviziji i traje jednu kalendarsku godinu.
6. Godišnji limit pokrivača jednak je visini sume osiguranja po polisi osiguranja, odnosno po jednoj reviziji.

Obaveza osiguravača po nastanku osiguranog slučaja

Član 7.

1. Osiguravač je u obavezi da plati odštetu zajedno sa troškovima sudskog postupka, ustanovljene prema odredbama ovih Posebnih uslova osiguranja, i ograničene visinom sume osiguranja.
2. Ako se prilikom nastanka osiguranog slučaja utvrdi da su promijenjene okolnosti koje utiču na obračun premije, a zbog toga je plaćena nedovoljna premija, odšteta se isplaćuje u srazmeri između plaćene premije i premije koja je morala biti plaćena.
3. Učešće osiguranika u svakoj šteti iznosi 10%, odnosno 20% (zavisno od ugovorene sume osiguranja po pojedinačnoj polisi), od obračunate naknade osiguravača.
4. Suma osiguranja se nakon nastanka osiguranog slučaja i isplate odštete iscrpljuje i nakon iscrpljena u cjelosti, osiguranje prestaje da važi.
5. Ako osiguranik ima zaključeno kolektivno osiguranje profesionalne odgovornosti preko komore odnosno interesnih udruženja i dodatno individualno osiguranje profesionalne odgovornosti, prilikom osiguranog slučaja se isplaćuje odšteta na osnovu kolektivnog osiguranja od profesionalne odgovornosti. Na osnovu individualnog osiguranja profesionalne odgovornosti se šteta isplaćuje onda, kada pokrivenost po prvom osiguranju nije bila dovoljna, i to u visini iznosa nepokrivenog dijela štete, ali najviše do visine sume osiguranja za individualno osiguranje.
6. Ako osiguranik izvodi profesionalnu uslugu zajedno sa drugim izvođačima (saizvođenje usluge), naknada osiguravača se smanjuje za srazmjerni dio između sume osiguranja za osiguranika, koja je ugovorena na polisi, i ukupne vrijednosti koja za jednaku opasnost proizilazi iz ugovora osiguranika i drugih saizvođača.
7. Osiguravač je dužan da prilikom zaključenja osiguranja osiguraniku preda važeće uslove osiguranja, koji su sastavni dio ugovora o osiguranju.
8. Osiguravač je u obavezi da troškove sudskog postupka zajedno sa odštetom nadoknadi do visine ugovorene sume osiguranja, ali samo u slučaju kada je osiguranik vođenje spora prepustio osiguravaču ili licu koje je on odredio.

9. Za troškove odbrane osiguranika u krivičnom postupku osiguravač je obavezan samo u slučaju, ukoliko izričito pristane na branioca i obaveže se da izmiri te troškove, ali zajedno sa odštetom do visine ugovorene sume osiguranja.

Obaveze osiguranika po nastanku osiguranog slučaja

Član 8.

1. Osiguranik je dužan obavijestiti osiguravača o nastanku osiguranog slučaja bez odlaganja.
2. Osiguranik je dužan, zajedno sa prijavom osiguranog slučaja, da osiguraču dostavi sve podatke i dokumente, koji su potrebni za rješavanje štetnog događaja.
3. Osiguranik je dužan da preduzme propisane, ugovorene i sve ostale mjere potrebne da se spriječi nastupanje osiguranog slučaja, a ukoliko osigurani slučaj nastupi, dužan je da preduzme sve što je u njegovoj moći da se ograniče štetne posljedice.
4. Osiguranik je obavezan da bez odlaganja obavijesti osiguravača ako je protiv njega ili lica, za koje on odgovara, pokrenut postupak zbog sumnje učinjenog krivičnog djela ili je podignuta optužnica, bez obzira ako je već prijavio nastanak štete po prethodnim odredbama ovog člana.
5. Ako oštećeni podnese tužbu za naknadu štete protiv osiguranika, osiguranik je dužan dostaviti osiguravaču sudski poziv, odnosno tužbu i sve spise u vezi sa štetnim događajem i zahtjevom za naknadu štete.
6. Osiguranik je obavezan da vođenje postupka povjeri osiguravaču, ako on na tom insistira, i da da ovlašćenje za zastupanje onom licu, koje odredi osiguravač.
7. Osiguranik mora vođenje odštetnih zahtjeva, ako on na tom insistira, da prepusti osiguravaču, zbog čega nema pravo da odbije odštetne zahtjeve, a naročito ne smije da ih prihvati.
8. Ukoliko osiguranik onemogućí osiguravača da riješi odštetne zahtjeve poravnanjem, osiguravač nije dužan da plati višak odštete, kamate i troškove, koji zbog toga nastanu.
9. Osiguranik je dužan da bez odlaganja obavijesti osiguravača o povećanju rizika tokom trajanja osiguranja, ako je rizik povećan nekim njegovim postupkom, a ako se povećanje rizika dogodilo bez njegovog učešća, osiguranik je dužan da osiguravača obavijesti u roku od četrnaest dana od kada je za to saznao.

Obračun premije

Član 9.

Za osiguranja zaključena po ovim Posebnim uslovima premija osiguranja se izračunava prema važećoj tarifi osiguravača.

Isplata naknade osiguranja

Član 10.

Štete se usklađuju u KM, a isplaćuju se najviše do ugovorene sume osiguranja po ovim Posebnim uslovima.

Član 11.

1. Pod dokumentacijom se u smislu ovih Poslovnih uslova smatraju svi oblici dokumenata u originalu i kopiji, bilo da su napisani na elektronskom računaru, pisaćom mašinom ili ručno.
2. Dokumentacija u smislu ovih Posebnih uslove čine:
 - Knjigovodstvene isprave
 - Poslovne knjige (dnevnik, glavna knjiga i pomoćna knjiga)

- Osnovni finansijski izvještaji (bilansi, račun dobiti i gubitka, izvještaj o promjenama o finansijskim položaju preduzeća.

Pravo regresa

Član 12.

Ako je šteta u preduzeću namjerno prouzrokovana radnjom radnika osiguranika (ovlaštenog revizora) ili je revizorsko društvo prekoračilo ovlašćenja u postupku revizije, osiguravaču pripada prava regresa prema odgovornom licu.

Primjena Opštih uslova za osiguranje imovine i lica i Uslova za osiguranje od odgovornosti

Član 13.

1. Na osiguranje sklopljena po ovim Posebnim uslovima primjenjuju se Opšti uslovi za osiguranje od odgovornosti, izuzev odredbi koji su po ovim uslovima drugačije regulisane
2. Nisu isključene štete nastale zbog obavljene revizije finansijskih izvještaja koja je osiguranik, odnosno, ovlašteni revizor izradio, te dao izvještaj, a uzrok štete je u obaljanju revizije.

Član 14.

Eventualne sporove iz primjene ovih uslova rješavaće nadležni sud u mjestu sjedišta Osiguravača.

Primjena Uslova za osiguranje

Član 15.

Ovi uslovi se za osiguranje se primjenjuje i stupaju na snagu od dana usvajanja od strane Upravnog odbora.

Predsjednik Upravnog odbora

Prof. dr Saša Vučenović

Posebni uslovi za osiguranje profesionalne od profesionalne odgovornosti revizora i revizijskih društava je u skladu sa Zakonom o društvima za osiguranje, uz primjenu načela i principa aktuarske struke pa se isti mogu primijeniti u praksi što svojim potpisom potvrđujem.

Ovlašćeni aktuar

Bojan Latinović